


حقوقى بىلىكلەر مجموعهسى

هر آيك اون بىشنده نشر اولنور



مدینک تاسیسه متعلق موادی ایله ملغادر. ۱۲۲ نجی ماده اشخاص حکمیه قانونسک اوجنچی وق. م نک ۴۵ الی ۷۲ نجی ماده لرله ملغادر. ۱۲۳ نجی ماده ق. م نک ۶۳۶ ، ۶۴۱ نجی ماده لرله ملغادر. ۱۲۴ نجی ماده ق. م نک ۶۶۶ و ۶۷۹ الی ۷۵۲ و ۷۵۷ نجی ماده لرله قدر اولان مواد ایله ملغادر. ۱۲۵ نجی ماده بورجلر قانونسک ۵۶ و ۵۷ نجی وقانون مدینک ۶۷۶ نجی ماده لرله ملغادر. ۱۲۶ نجی ماده تحدید و تحریر و کوی قانون لرله ملغادر. ۱۲۷ نجی ماده اعشارک العاسی حقنده کی قانون ایله ملغادر. ۱۲۸ نجی ماده تصرف قانونسک بشنجی ماده سیله الفا اولمشدی. ۱۲۹ نجی ماده ق. م نک عینی حقار حقنده کی احکام ایله ملغادر. ۱۳۱ نجی ماده ق. م نک عینی حقار و میراثجیلر حقنده اولان احکام ایله ملغادر. ۱۳۲ نجی ماده ق. م نک ۶۳۵ ، ۶۳۶ ، ۶۳۷ ، ۶۴۱ نجی ماده لرله ملغادر. اراضی قانونته مذیل ۱۲ کانون ثانی ۳۰۳ تاریخلی فقره قانونیه ق. م نک ۶۳۸ و ۶۳۹ و ۶۴۰ و ۶۴۱ و ۶۴۵ نجی ماده لرله ملغادر.

ع. صلاح الدین

حقوق فاکولته سی
مدرسندن آروقات:

— ۳ —

مفوق مرآ

مورد فیرم

قانون جزا مزده چالشمق مجبوری

قانون جزا مزك وجوده کتیردی بیکیکلکوردن هیچ شهسز الاصلاح آوری چالشمق مجبوری حقنده قانون جزا مزك ۱۳ و ۱۵ و ۲۱ نجی ماده لرنده وضع اولان احکامدر. حبسخانه لر مزك وضعیت حاضره سی شمدی به قدر مجبوسینی اولدینی کی حبسخانه لرده توقیفدن بشقه برشیته خادم دکلدی. اوتنه دئیری کار و کسبيله اشتغال ایده کلن برکیمسه، صاحب صنعت بر عمله حبسخانه نک عاطل حیاتنده چالشمق خصوصسنده کی اعتیاداتی اوزون و یا قیصه برزمان، مجبوسیت دوره سسنده قسماً و یا تماماً غائب ایتمکده و بو صورت حبسخانه لر کندیلرینی چالشمغه هوسلندیره جک یرده بالضروره تبدلکه سائق برعامل اولوب کیتمکده ایدی. الیوم بعض حبسخانه لر مزده اوافق تفک بعض صنعتلرده بعض مجبوسینک چالشدینی کورولوب ایشیدلمکده ايسه ده واضع قانونک استهداف ایتدی کی

غایه لردن الهممنی شبه سز مختلف رفع حریت جزا لرنده آری اشکال و شرائط دائره سنده سعی و عملی عمومی بر قاعده و انضباط آلتنه آله رقی محبوسینی حبسخانه دن سربست حیاته آتلفا لرنده ایشمز بر اقیه رقی جرائمک و قوعنده بیوک عامل اولان ایشمز لکه مانع اولغه چالشمق بولندینی آشکاردر .

واضع قانون بزده چالشمق اصولی حقنده قانون جزامزه بر قاچ قاعده قویمشد :
(۱) چالشمق مجبورتی — قانون جزامزه کوره کرک آغیر حبس [ماده ۱۳] و کرک حبس [ماده ۱۵] و خفیف حبس [ماده ۲۱] جزا لرنیک انفاذنده حبسخانه لرده چالشمق مجبورتی واردر .

(۲) آغیر حبسلرده محکوم حبسخانه اداره سنک کوستردیکی ایشلری یا مغه مجبور اولوب دیگر حبسلرده دیله دیکی ایشی ایشله مکده سربستدر . حبس و خفیف حبس ده محبوس بولندینی مؤسسه کوردیرل مکده اولان ایشلردن استعدادینه واسکی مشغولتارینه اک موافق اولان ایشی انتخاب ایده بیلیر، حتی بشقه ایشده چالیشمغه ده مأذون قیلنا بیلیر .

(۳) آغیر حبسه چالشمق صرهنده سکوت مجبورتی واردر .
قانون جزانک و بونک موقع مرعته وضعنه دائر اولان قانونده چالشمق مجبورتی حقنده بشقه بر حکم موجود اولمادینی کبی حبسخانه لر نظامنامه سی هنوز تعدیل ایدله مش اولدینی جهته چالیشمق حقنده تطبیق ایجاب ایدن اصولی دول غریبه ده موجود احکامدن استعانه ایدره رک تعیین اتمک ایجاب ایلر .

بر کره شوراسی شایان قید و ایضاحدر که حبسخانه بنالرنیک شرائط حاضره سی بوکون بیله حبسخانه لرده قسماً اولسون اعمالاتخانه لر وجوده کتیرمکه مساعد دکلدر . اکثریتله رابط و برر قفوشدن عبارت اولان بنالرده آرزو اولنان صنعت اعمالاتخانه لری تأسیس اولنه ماز .

اداره سابقه نک جمهوریت اداره سنه تحمیل ابتدکی شو آغیر یوکک بر آن اول تخفیف و اصلاحی غایه سیله حکومت مبعجله لازم کلن تربیانی آلمش اولوب اون سنه ظرفنده حکومتک مناسب کوره جی نقطه لرده آغیر حبس و حبس جزا لرنی چکمکه مخصوص مؤسسات وجوده کتیرله جکدر . مع مافیه تمی اولنور که حبسخانه اداره لری ده جزایی

و یروب انفاذ ایله مکلف اولان قوه غدلیه نك آله ویراسون و بوضورتله شمدی یه قدر دوام ایده کلن ایکلیک اورتهدن قالدسون. کرچه مدعی عمو میلر حبسخانه لری دائماً تحت تفتیش و مراقبه ده بولندیرمق صلاحیتی حائزدرلر. فقط اداری معاملات تماماً داخلیه وکالته عائد اولق دولایسیله قوتورولده جدیت و وحدت تأمین ایدیله مدیکی کی حبسخانه تأسیساتی بوکون فی برشکلده وجوده کتیرلمک مجبوریتده بولنلمسنه کوره بونی ده از یاده آراشدیرمه یله جک وضعیتده بولنان عدلیه وکالته تودیدعه پک بیوک فواید موجوددر [۱].

آغیر حبس جزالرنده ایلمک آلتی آیه اوچ سنه آده سنده تبدل ایدن برنجی دوره کیجه لی وکوندوزلی یالکز براغلق صورتیه چکلمک مجبوریتده بولندیرنه کوره بودوره ایچون آغیر حبس جزاسی محکوملرینک مشترکاً عملیات و صنعتلرده چالشمسینه امکان یوقدر. مع مافیه موقت مدتی آغیر حبسلرده اشود دوره مدت جزائییه نك آلتیده برینه مساوی اولق دولایسیله باقی قالان آلتیده بشنه مساوی مدت ظرفنده محبوسینک مشترکاً اعماللرده بولنلری ممکندر.

اوروپاده اکثریا محبوسین حکومت مؤسساتی ایچون چالشدیرلمقده در. نته کیم عسکر و زاندارمه ایچون البسه اعمالاتی و آیاق قابی دارالصناعه لری، دواثر و مؤسسات رسمیه نك دفترلری، اوراق مطبوعه لری، حبسخانه اداره لری ایچون البسه آیاق قابی اعمالخانه لری، فرونلر، چاپ شیرخانه لر و سائر هب حبسخانه لرده وجوده کتیرلمکده در.

خارج ایچون سپارش قبول ایتمک پک بیوک وجدی مناقشه لری موجب اولمشدر. چونکه حبسخانه داخلنده اعمالخانه مصرفی و یرمه مک هر نوع تکالیفدن معرا اولق اوزره و بوکا نمائل پک اویغون شرائط آلتنده وجوده کتیریله بیلن اشیانک پیاسه ده سربستی رقابت آلتنده وجوده کتیریلن اشیاندن ده اوجوز تدارک ایدیله جکی آشکار اولغله خارجده کی اصنافک بو یوزدن بیوک ضررلره دوچار اوله جنی شهه سزدر.

[۱] استانبول توقیفخانه سیله ایام اخیرده پک چوق تعمیراته عاتا یکی باشند احیا اوننان بروسه حبسخانه لری ایجابات فیهی قطعیاً غیرحائز اولوب توقیفخانه و حبسخانه لکدن بشقه هر درلو شرائطی حائز ایهده نه تجرید ایچون جیره ونده آز مأمور استخدای ایچون تربیاتی حائز اولما دقلرندن صرف ایدیلن أمکره آجیامق قابل دکلدر.

فقط محبوسینه حکومت مؤساتی ایچون لزوملی اشیا اعمال ایتمه دیرلدیکی حالده رقابت مسئلهسی موضوع بحث اوله میهنی کی محبوسین حبسخانهده کندیلرینک کیه جکلیری البسه ویا آیاق قابینی اعمال ایده جک بر وضعیتده اولدقلری حالده حبسخانه ادارهسی دهانتظم حرکت ایده بیله جک برحاله کلیر واوندن آلد ایدیه جک وسائطله محبوسینک اصلاح حاللرینه برآز دهانت غیرت اولنه بیلیر .

قام تجرید حالنده یشایان محکومین ایچون دخی حبسخانه ادارهلری مناسب خدمت و عملیات بولمیشلردر . نه کیم آلمانیده چوراب، ایکنه اعمالاتی و بوکا مماثل سائر خدمات بوترتیب داخلنده منفرد محبوسین طرفندن وجوده کتیرلمکدهدر .

اجرت — عمل مقابلی وجوده کلن اثر صنعتک بدلنی اوروپا حبسخانهلری بروجه آتی نسبتده تقسیم ایتمکدهدر :

اولا : مواد ابتدائیه ایچون صرف اولنان مبلغ و بونک فائضی ،
ثانیاً : ماکنه وسائر آلات و ادواتک پیرانمسی مصرفی و فائضی چیقارلدقندن صکره باقی قاله جق مبلغ محبوسک ماسبقه، محکومیت سابقهسی اولوب اولمادیغه، حبسخانهده اوصولو اوطوروب اوطورمدیغه کوره اوند اوج ایله آلتی آرهنسده کندیسنه تفریق و باقیسی حبسخانه ادارهسنه ایراد قید اولنور .

محبوس ایچون تفریق اولنان $\frac{1}{2}$ دخی یاری یاریه تقسیم اولنور .
بر نصفی هر هفته حبسخانه داخلنده کندیسنه ویریلیر و بو صورتله حبسخانهده حقنده تطبیق اولنان شرائط دائره سنده برآز دهانی کندی استراحتنی تأمینه موفق اوله بیلیر . مع مافیه حقنده انضباطی جزال تطبیق اولنان محبوسینه هفته آرهنسده بویه اجرتی ویریلر .

باقی قالان ایکنجی قسمه کلنجه؛ حبسخانهدن مدت محبوسیتنی بیتروب چیقانلر بویه قالان قسمی آلد ایدهرک خارجده چالیشه بیله جک وضعیته کیرلر .

فرانسهده یاپیلان تجربه لک ویردیکی نتایجه کوره مدت محبوسیتنی بیتروب چیقان کیسه لره اشوب مبلغک دفعه ویرلمسده پاره نک در حال پنمسی کی عظیم ضرر لر کورلمیشدر . بونک ایچون فرانسهده عمومیتله بو پاره لر یا هفتهلق ویا ایلق اصولله ویرلمکدهدر .

آلمانیاده حمایه و مظاهرت جمعیتلری موجود اولوب محبوسین بویله بر حمایه آلتنه آتمش ایسه اشبو جمعیتلرک تحت مراقبه و نظارتنده اولوب دوغریدن دوغرییه بونلرک حمایه و مظاهرتی ایله بو باره لر کندیلرینه تسلیم ایدلمکده و بالطبع حبسخانه دن چیقان محبوس دخی اشبویریکمش اجرتی سرمایه ابتدائی و یا آلات و ادوات اوله رق قوللانه بیله جک حالد اولدینی جهتله غیر مناسب وضعیتله دوشمه مکده در .

حبس و خفیف حبسارده زده محبوسک قانون موجبجه دیله دیکی ایشی ایشله مک اوزره حق خیاری موجود در .

حبسخانه اداره سی مؤسسه ده کورد بریلن ایشلردن محبوسک استعدادینه و اسکی مشغولیتله ک موافق اولانی انتخاب ایدن محبوسه اوایشی ایشله مکه مساعد ایدر . مع مافیه مؤسسه ده اوکی ایشلر ایشلرلدیکی و حبسخانه اداره سنجه اداری بر محدود تصور ایدلمدیکی تقدیرده دیگر نوع ایشلری ایشله مکده محبوسه مساعد ویره بیلر .

آغیر حبس جزاسیله محکوم اولانلر حنفنده قانونده آریجه احکام مخصوصه موجود در . [ماده : ۱۴] بو ماده یه کوره بعض قیود و شروط دائره سنده آغیر حبس جزاسیله محکوم اولان کیمسه لردن ایکی بچق سنه دن اکسیک اولماق اوزره یاریسنی حسن حال ایله کچرن محکومینک مدت باقیه لرنی حبسخانه لره مربوط زراعی و صناعی مؤسسه لرک برنده و یا خود حکومتک اداره سی آلتنده منافی عامیه مخصوص ایشلرده کچر مسنه مساعد اولنه جقدر . [۲]

آلمانیاده اکثریتله کچوک محکوملر ایچون تطبیق اولنان بواصولدن محکومینک اصلاح حاللرینه خدمت ایدیلیسی خصوصنده پک بیوک استفاده لر تأمین ایدلمش و حق سرسری مظنه سوء احتجابی کبی کیمسه لر ایچون [arbeitshaus] آربایت هاوز دینلن ایشخانه لر دخی بو کبی مؤسسه لر میانندن معدود بولمشددر .

[۲] قانون جزانک موقع مرعیه و منعه دائر اولان احکام ایله اشبو ۱۴ نجی ماده ناقابل تطبیق بر حاله کشدر . چونکه [اوج سنه دن آشانی مدتله آغیر حبسه محکوم اولونده ایکی بچق سنه دن اکسیک اولماق اوزره جزاسنک یاریسنی حسن حال ایله کچرن .. الخ] محرر اولان حکم قانونه کوره اوج سنه دن آشانی مدت محکومینک نسبی اعظمی بر بچق سنه اولوب (ایکی بچق سنه دن اکسیک اولماق اوزره) قیدیه بو کیلرک مؤسسات زراعی و صناعیه سوقلرته امکان مادی یوقدر .

تخلیه مشروطه

تخلیه مشروطه مترقی سیستمك صوك قدمه سی اولوب حبسخانه ده مختلف دورمه لرده صلاح خالی اطوار و افعالیله اثبات ایدن محکومین حقنده تطبیق اولنور . محکوم حبسخانهك باصیق محیطندن همان سربست حیاته آتیلوب بریله جك اولورسه یکی جرملر اذتکاب ایده بیلیمسنی پك طبیعی کورمیدر . بونك ایچون محکومی یواش یواش سربستییه آلیشدیرمقده مادی پك چوق فوائد متصوردر .

ایرلندا سیستمه کوره اولا دائمی ، ثانیاً کجهلری تجرید اصولنی موفقیته کچیرن محکوملرک مدت محبوسیتلری صره سنده آلدقلری ایی نوظلرله حبسخانه داخلنده کچن مدتلرده حقارنده تطبیق اولنه جق اصولار برار تخفیف و آله جقلری اجرتلر تربیداولنور ، حمایه و مظاهرت جمعیته سوق اولنور و بو صورته یواش یواش حیاته آلیشدیریلر و نهایت تخلیه مشروطه سی دخی تأمین اولنور .

تخلیه مشروطهك فوایدی پك چوقدر : بر کره تخلیه مشروطه حبسخانه ده محکومك صلاح حال قناعتنی و بره جك حسن حالی ایله مقید اولمسه کوره محبوس حبسخانه دن برآن اول قورتلیق ایچون راحت اوطورمق مجبوریتنه در .

حبسخانه دن تخلیه مشروطه ایله استخلاص نفس ایتد کدن صکره دخی : شخصی حریتی تحدید ایدن مجازاتی مستلزم بر جرم ایشار و یا مجبور اولدینی شرائطی ایفا ایتمزه مشروطاً تخلیه قراری کیری آله جفندن (حسن حرکته) دوام مجبوریتنه قایلر .

تخلیه مشروطه همان همان بالعموم دول متمندهك قانونلرینه کیرمشد و قانونلرینك متون اساسیه سی میاننده تخلیه مشروطه بولنمیان دولتلر دخی قانونلرینه بو احکامی ذیلاً علاوه ایتمشلدر .

نته کیم فرانسه ۱۴ اگستوس ۱۸۸۵ تاریخلی قانون ایله تخلیه مشروطه احکامنی عصر دیده قانوننه علاوه ایتمشد .

تخلیه مشروطیه هانکی مقام قرار ویرر — قانونمزه کوره تخلیه مشروطیه قرار اعطاسی قضائی و اداری بر کیفیتدر ۸۲۵۰ نومی جزا قانونک موقع مرعیه وضعه متعلق قانونک بشنچی مادهنک برنجی فقرهسنه کوره: «جزاسنک درنده اوچنی حسن حال ایله کچیرهن آغیر حبس و یاریسنی او وجهله کچیرهن حبس محکوملرینک مشروطاً تخلیهسنه قرار اعطاسی و بو قرارک استردادی محکومیت قرارینی ویرمش اولان محکمهنک رئیسنه و بو قرارک تصویبی عدلیه وکالته عاندر ...»

کوریلورکه واضع قانون تخلیه مشروطیه قرارینی اول باول محکومیت قرارینی ویرن محکمه رئیسنه ویرمش و بونک قراریه اکتفا ایتیه رک اشبو قرارک عدلیه وکالته تصویبیه اقتران ایتسنی شرط قویمشدر.

فرانسه کی بعض مملکتلرده ایسه تخلیه مشروطیه قرار اعطاسی صرف مقام اداری اولان عدلیه وکالته تودیع اولومشدر.

۱۳ مار ۱۹۱۱ تاریخی قانونه کوره فرانسهده حبسخانه ادارهلری عدلیه نظارتنه تابع اولوب [حبسخانه ادارهلرینک، حبسخانه تفتیش ادارهسنک، والینک و مدعی عمومینک] مطالعهسنی استماع ایتدکن صکره لازم کلن قراری اتخاذ ایدر.

بزه معاملات ابتدائیهنک محکمه رئیس طرفدن یائلسی دها مناسب کورلمشدر. ایستالاده صرف بر مطالعهسنی آلق اوزره هیئت اتهامیه استیناف مدعی عمومیسی مراجعت ایدر. و بو مطالعهیه کندی ملاحظاتی علاوه ایدرک عدلیه نظارتنه سوق ایلر.

مارالذ کر بشنچی مادهیه کوره «محکوم تخلیه مشروطهسنی طلب ایتک اوزره استدعا ایله حبسخانه مدیرنه مراجعت ایدر. مدیر حبسخانه قومیسوننک مطالعهسنی آلاقدن صکره حبسخانهده محکومک طرز حرکتنه و اصلاح نفس ایدوب ایتدیکنه متعلق تدقیقات و مشاهداتیه برلکده مدعی عمومی به تودیع ایدر. اشبو مدعی عمومی حکمی ویرن محکمه زندنده کی مدعی عمومی در. مدعی عمومی لزوم کوردیکی تقدیرده کنیدیسه تدقیقات اجرا ایدر و مطالعهسنی ده لف ایدر حکمی ویرن محکمه رئیسنه دوسیهنی ویرر. محکمه رئیس شخصاً تدقیقات پاهره ق طلبی موافق کوردیکی تقدیرده قبول و عکس تقدیرده رد و اسباب موجههسنی ده علاوه ایدرک مدعی عمومی به اعاده ایلر. مدعی عمومی دخی

قراری اوراق متفرع سیله عدلیه وکالتنه تودیع ایلر. وکالت قراری تصویب ایتدیکی
تقدیرده احکامی اجرا اولور.

کوریلور که حاکم قرارینه رغماً صوک سوز عدلیه وکیلنه عاندر.
بیانات آفقیه کوره تخلیه مشروطه محکومین ایچون برعاطفت اولوب برحق تشکیل
ایتمز و بوسیدن در که عدلیه وکالتنک اتخاذ ایتدیکی قراره قارشو برطراق اعتراض متصور
دکلدر.

مع مافیه واضع قانونک محکومینک تهذیب و اصلاح حاللرینه خدمت غایه سیله وجوده
کتیردیکی تخلیه مشروطه بی عفو خصوصی کبی قوه اجرائیه نک بستیون آرزوسنه براغلمش
دخی عد ایتمک ایجاب ایدر.

چونکه عفو خصوصی شخصی بعض عوارض و عوامل دولایسیله محکومک جزاسنک
عفو اولماسنه مقابل تخلیه مشروطه حبس خانه ده کی اطوار و حرکاتیه حسن اخلاقی اثبات
ایدن محکومنه بعض شرائط دائره سنده بخش اوله بیلیر بر تدبیردر. بوسیدن در که واضع
قانون اول باول حاکمن قرار استحصالی امر ایتمش اولوب بونی آله ایدنلر اشبو قرارده
احکام قانونیه به مخالف اولمادجه عمومی بر شکله بوندن استفاده ایدر لر. بوسیدن در که
حسن حالیه محبوس بقیه مدت جزایه سنی صاتین آلیر دینه بیلیر.

تخلیه مشروطه ده کیمله استفاده ایده بیلیر. — تخلیه مشروطه دن آنجق آغیر حبس
و حبس جزاسی محکوملری استفاده ایده بیلیر.

بناء علیه خفیف حبس جزاسی محکوملری استفاده ایده مز، واضع قانونک خفیف
حبس جزاسنی استثناسی ایتالیان قانونک عینی ماده سننه مطابق اوله رق خفیف حبس
جزاسنی جرائم اهلایه دن عد ایتمسندن ایلری کلشدر.

فرانسه ده هر نوع رفع حریت جزالری محکوملری تخلیه مشروطه دن استفاده
ایده بیلیر لر. آلمانیا ده دخی بزده اولدینی وجهله کوره ک و اوزون مدتی حبس جزالرنده
تخلیه مشروطه امکانی موجوددر.

تخلیه مشروطه نک شرطی. — تخلیه مشروطه طلبی مشروع و محق قیلمق ایچون
اولا آغیر حبسارده محکومینک درت سنه دن آشاغی اولماسی و اوچ سنه دن آشاغی اولماسی

اوزره درتده اوچنی حبسخانه ده کچیرمش اولسی و حبسلرده علی الاطلاق مدت محکومه سنک یاریسی چکمش بولنسی ؛

ثانیاً ؛ مدت محبوسیتی صره سنده صلاح حال قناعتی ویره جک حسن حرکتی کورولسی ایجاب ایدر .

کوریلور که علی العاده حبسلرده مدت نه قدر دون اولورسه اولسون یاریسی حسن حرکت ایله کچیردیکنی اثبات ایدن محکوم تخلیه مشروطه سنی آلدیه بیلیر . بونده خفیف حبس محکوملری علیهنه بر عدالتسزک موجود در . حد اصغری اوچ کوندن باشلایان حبس جزاسی محکوملری ایچون مثلاً بر ایکی آی محکومیت حالنده نصفی اورتدن قالیرمق امکانی موجود ایکن ده خفیف اولان خفیف حبس محکوملری حقنده بو قاعده نک تطبیقنه امکان یوقدر . مع مافیه بالاده ایضاح ایتدی کمز وجهله خفیف حبس جزاسنی واضع قانون جرائم اهالیه دن عد ایتدیکی ایچون بو نسبتسزلیک قصداً نظر دقه آلامشدر .

صلاح حال کیفیتنه کلنجه ؛ مقاله مزک یوقاریسندده ایضاح ایدلیدیکی وجهله ایرلاند سیستمنده اولدینی وجهله محکومینک اصلاح احواله خدمت ایتک غایه سیله وجوده کتیریلن وصوکنجی بر قدمدن عبارت اولان تخلیه مشروطه سربست حیاته محکومی آلیشدرمق غایه سیله احداث ایدمشدر . اصلاح حال ایتدیکی تبیین ایتدیکی تقدیرده مدت محکومه باقیه سی جزا اجرا ایدلمش صایله رق انفاذدن واز کچیلیر وعکس تقدیرده تخلیه مشروطه قراری استرداد اولنهرق محکومی حال سابقه اعاده ایتک ایجاب ایدر .

صلاح حالی تعیین ایتک ایچون محکومک تمادی حمایه ومظاهرت جمعیتلری ، حبسخانه قومیسوئلری و حبسخانه اداره لرینک تحت نظارتنده بولنسی ایجاب ایدوب بونلردن آلدقلری حسن حال و حرکت نوظلرینه کوره محکوم حقنده تعیین ماده ایتک ضروریدر . تخلیه دن صکره کی وضعیت :

(۱) مشروطاً تخلیه قرارینی استحصال ایدن محکوم یا صلاح حالی تأیید ایتدیرم جک وجهله مدت باقیه محکومیتنده راحت طورور . بو تقدیرده جزا انفاذ ایدلمش صاییلیر . واسکی محکومیتدن دولای تعقیبات یا پئلاز . بو دورده جزا عفو ایدلمش صایلماز بلکه

جزا افاذینه دوام ایدلمکده صایلیر. حتی بوسیدندرکه معین برمسلك وصنعتك اجرایی ممنوعیتی وخدمات عامه دن ممنوعیت جزالری سرپستیسنی آله ایدن محکوم حقنده تطبیق وانفاذ اولنور ویدیرسه محکوم عفو طریقته مراجعت ایده بیلیر .

۲) تخلیه مشروطه قراری هرزمان قابل استرداددر . بناءً علیه ۱۷ نجی مادهده تصریح ایدلدیکی وجهله « محکوم شخصی حربی تحدید ایدن مجازاتن مستلزم بر جرم ایشلر ویا مجبور اولدینی شرائطی ایفا ایتمزسه مشروطاً تخلیه قراری کری آلیر . »

اگر تخلیه مشروطه سنی استحصال ایدن محکوم ایچون استرداد تخلیه تهدیدی اولمسه تخلیه مشروطه چوق تهلمکلی بر مؤسسه اولوردی .

بوسیددن دولاییدرکه واضع قانون تخلیه مشروطه قرارینی ویرن مقاماته عینی وظیفه وحقی تودیع ایتشددر . بناءً علیه مدعی عمومینك وینه حکمی ویرن محکمه رؤسنتك قراری عدلیه وکالتنك تصویبسه اقتران ایدهرک کندیسینی تخلیه اولنمازدن اول باقی قالان مدت جزائیسه سنی چکمک اوزره محکوم حبسخانهیه اعاده اولنور .

۳) استرداد تخلیه قرارینك نشایجنه کلنجه: « مشروطاً تخلیه حالنده کچن زمان محکومك جزا مدتنه محسوب ایدیلجهکی کبی کندیسنتك مشروطاً تخلیه سنی دخی جائز اولماز .

شو حالده تخلیه سنی استحصال ایدن محکومك منفعتی مدت محکومیت باقیه سنی بیتنجهیه قدر حسن حالده دورمسلیه قائمدر .

تخلیه مشروطه طلبنی استحصاله موفق اوله میان محکومین (۱ —) یول کسمک یاغما، آدام قالدیرمق، جمعیت تشکیل ایتک، ۲) آدام اولدیرمک، ۳) آغیر خرسزلق جرمینی ارنکاب، ۴) بش سنه دن زیاده حریتی تحدید ایدن بر جزا ایله مقدمات محکوم اولان مکررلر، ۵) اعدامدن محول آغیر حبس جزاسنه محکوم اولانلر تخلیه مشروطه دن استفاده ایده مزلر .

ایتالیان قانوننده همان همان بوکا شبیه احکام موجوددر .

تخلیه مشروطه مؤسسه سندن بحق استفاده ایدیله بیلیمسی اول باول حبسخانه مؤسسه لر مزك تجرید حجروی وحبس منفرد اصولنك تطبیق ایدیله بیله جک بر وضعیت

کتیرلسيله قائم اولوب مشترك قغوشلرده محکومين امرار اوقات ايتدجه تخليه مشروطه نك تطبيقى تأخير ايتك ايجاب ايدر. بالخاصه حمايه ومظاهرت جمعيتلرى وجوده گلدجه سببل جزائى اصولك تطبيقى باشلانماقجه تخليه مشروطه نى قبول ايتك جزائى حکمدن صكره قسماً اسقاط ايتك ديمك در. بوسيدندركه شمدیدن اسبابنه توسل ايدملك شرطيله تخليه مشروطه نك اون، اون بش سنه دن اول تطبيق ايديله بيله جگنه قائل دكلز.

مهورت فرب

اوقات:

مهمر طلعت

فانوده مدنى عائله حقوقنده اسكى ويكى احكامك فرقلرى

اوليك برلكى

يكي قانون بالخاصه مائله وحقوق عائله خصوصاً سنده مهم احكام جديده وضع ايلشدر، بو احكام شمدى يه قدر مانوس اولديغمز بر طاقم يكي شكلكر، يكي اصول وقواعد، يكي مؤسسات، يكي احوال ويكى شرائطه متدائر اولمق اعتباريله تشریح وايضاحى اسكى احكامله اولان مبايتلر ينك ارانه سى پك ضرورى ومبرم بر احتياجر در. اورته كه بويكى احكام قانونيه نك برر توصيه ماهيتنده عد اولنهرق تطبيقاتده كى شمولى آكلاشيله مامقده وجوق كره لر اعتيادات سابقه نك تأثيرندن قورتولونما مامقده اولديغى كورلمكده در.

فى الواقع قانونلرك هدفى دائماً يوكسك بر غايه اجتماعى، اقتصادى وعدلينك تأمين وتأسيسى اولمق نقطه سندن بو غايه نى استحصال ايتمش اولان افكار منوره ايچون قانونلر بر فلسفى مسلك وسيستمك نظامى اولنهرق مطالعه ايديله بيلور. فقط قانونلرك قيمت واهميتلرى بالخاصه تطبيقلر نده در غايه لرى ده يالكر مذكور افكار منوره نك دكل طامه نك سويه وحقوقك اعلا سنده در، هيچ بر زمان تطبيقه لزوم حاصل اولميان بر جزا قانونى ويابعض احكام جزائيه مجرد موجوديتيله تطبيق ساحه سنده ديمكدر. حالو كه حقوق عائله بو وجهله منفى دكل مثبت ساحه ده اكثريسى كل يومر تطبيقى لازم كلن احكام هيئت مجموعه سندن عبارت اولوب نظريات ساحه سنده قالمسى اصلاً جائز اوله ماز. بو جهته حقوق شناسلر مزك بومسائل ايله يقيندن متوغل اولنهرق خلقى تنوير ايتك وظيفه سييله مكلف بولندقلرينه اشارت ايتككه لزوم كور ييورم.